



25. juni 2020

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

### **Naalakkersuisunut apeqqut:**

- 1. Peqqissaanermik Ilinniarfimmi Portør-Redderitut ilinniartunik atuartitsinermi atuartitsissut qallunaatuinnaasoq ataaseq atorpeqartoq ilumoorpa?**
  - a. Taamaassimappat Portør-redderitut ilinniartut qallunaatut piginnaasaat qanoq qaffasissuseqassasoq naatsorsuutigineqarpa?**
- 2. Ilumoorpa Portør-Redderitut ilinniartunik atuartitsinermi atortussianik kalaallisut oqaasertalinnik peqanngitsoq?**
  - a. Atuartitsinermi atuagaq atorpeqartoq kalaallisuunngortinneqassappat tamanna qanoq akeqassava?**
- 3. Portør-Redderitut atuartut kalaallisuinnaq oqaasillit / qallunaat oqaasiinnik killilimmik paasinnittartut ilinniakkamik imarisaanik pisariaqartunik pissarsisinnaanissaat qanoq qulakkeerneqartarnersoq Naalakkersuisut nassuiaaqquneqarput.**
- 4. Portør-Redderitut ilinniartut ilinniarnermi annerpaamik pissarsinissaat qulakkeerniarlugu atuarnep nalaani nutserisoqarnissaanik Naalakkersuisut periarfisseerusuppat?**
- 5. Portør-redderitut ilinniarnermi Peqqissaanermik Ilinniarfimmi ingerlanneqartumut atatillugu ilinniakkamik ingerlatsinissamut oqaatsit akornutaanersut pillugit Naalakkersuisut nassuiaaqquneqarput.**
  - a. Ajornartorsiutaasimappat; Naalakkersuisut paasissutisseeqquneqarput ilinniakkamik aallartitseresimagaluarlutik oqaatsit pissutigalugit holdini ukiumut aallartittuni taamaatitsiinnartartut ukiut kingulliit sisamat ingerlaneranni qassiusimanersut.**

## **6. Portør-Redderitut ilinniartitsineq qanoq akulikitsigisumik nalilersorneqartarpa?**

- a. **Nalilersorneqartarpat; Naalakkersuisut ilisimatitsissutigisinnaavaat naliliinerit pineqartut aallaavigalugit ilinniartitsineq taanna naleqqussarneqartarnersoq?**

(Inatsisartuni ilaasortaq Sofia Geisler, Inuit Ataqatigiit)

### **Tunngavilersuut:**

Paasivara Portør-Redderitut ilinniartut annertuumik ernumassutigigaat ilinniarnerminnik naammassinnissinnaanerlutik. Misilittagartuujoreeraluarput, ilinniartitsinermili atorpeqartoq atuagaq ataasiinnaarpasittoq qallunaatuujuvoq, ilinniartullu amerlanerit qallunaatut oqaatsitigut tamakkiisumik piginnaasaqanngillat. Taamaattumik atuaqatigiiaani inuit ataasiakkaat qallunaatut piginnaasaqartut ilaminnut nutserisunngortarsimapput.

Taamaattumik kissaatigaara paasissallugu una portør-redderitut ilinniartitaaneq uku imaannaanngitsumik imalimmik suliaqartussat atuakkatigut ilisimasassaannik pisariaqartoq ilinniartuusut oqaatsitsigut piginnaasaannut naleqqussakkamik ingerlanneqarnersoq.

Kissaatigivara apeqqutikka ullut suliffiusut qulit qaangiutinnginneranni akineqarnissaat.